

441,199
4437
343



東坡集卷之七十二

詞

戚氏


此詞始終指意言周穆王賓于西王母之事

玉龜山東皇靈媿統羣仙絳闕岩堯翠房深迥倚霏烟幽閑志蕭
 然金城千里鎖嬋娟當時穆滿巡狩翠華曾到海西邊風露明霽
 鯨波極目勢浮輿蓋方圓正迢迢麗日玄圃清寂瓊草芊綿爭解
 繡勒香鞦鸞輅駐蹕八馬戲芝田瑤池近畫樓隱隱翠鳥翩翩肆
 華筵 間作管鳴絃宛若帝所鈞天稚頭皓齒綠髮方瞳圓極恬
 淡高妍盡倒瓊壺酒獻金鼎藥固大椿年縹緲飛瓊妙舞命雙成

眉



蘇軾東坡氏著



奏曲醉留連雲璈韻響寫寒泉浩歌暢飲斜月低河漢漸漸倚霞
天際紅深淺動歸思迴兮塵寰爛熳遊玉輦東還杏花風數里響
鳴鞭望長安路依稀柳色翠點春妍

醉蓬萊

重九上
君猷

笑勞生一夢羈旅三年又還重九華髮蕭蕭對荒園搔首賴有多
情好飲無事似古人賢守歲歲登高年年落帽物華依舊 此會
應須爛醉仍把紫菊茱萸細看重嗅搖落霜風有手栽雙柳來歲
今朝爲我西顧酌羽觴江口會與州人飲公遺愛一江醇酎

賀新郎

夏景

乳燕飛華屋悄無人桐陰轉午晚涼新浴手弄生綃白團扇扇手
一時似玉漸困倚孤眠清熟簾外誰來推繡戶枉教人夢斷瑤臺
曲又却是風敲竹 石榴半吐紅巾蹙待浮花浪蘂都盡伴君幽
獨濃艷一枝細看取芳心千重似束又恐被秋風驚綠若待得君
來向此花前對酒不忍觸其粉淚兩漣漣

洞仙歌二首一

詠柳

江南臘盡早梅花開後分付新春與垂柳細腰肢自有入格風流
仍更是骨體清英雅秀 永豐坊那畔盡日無人惟見金絲弄晴
晝斷腸是飛絮時綠葉成陰無箇事一成消瘦 又莫是東風逐

君來便吹散眉間一點春皺

二公自序云僕七歲時見眉山老尼姓朱忘其名年九十餘自言嘗隨其師入蜀主孟昶宮中一日大熱蜀王與花藥夫人夜起避暑摩訶池上作一詞朱具能記之今四十年朱已死人無知此詞者獨記其首兩句暇日尋味豈洞仙歌令乎乃為足之云

冰肌玉骨自清涼無汗水殿風來暗香滿繡簾開一點明月窺人
人未寢欹枕釵橫鬢亂起來攜素手庭戶無聲時見疎星渡河
漢試問夜如何夜已三更金波淡玉繩低轉但屈指西風幾時來
又不道流年暗中偷換

八聲甘州 寄參寥子

有情風萬里捲潮來無情送潮歸問錢塘江上西興浦口幾度斜
暉不用思量今古俯仰昔人非誰似東坡老白首忘機 記取西
湖西畔正暮山好處空翠烟霏詩人相得如我與君稀約他年東
還海道願謝公雅志莫相違西州路不應回首為我沾衣

三部樂 情景

美人如月乍見掩暮雲更增妍絕筭應無恨安用陰晴圓缺嬌甚
空只成愁待下床又懶未語先咽數日不來落盡一庭紅葉 今
朝置酒強起問為誰減動一分香雪何事散花却病維摩無疾却
低眉慘然不荅唱金縷一聲怨切堪折便折且惜取少年花發

阮郎歸三首一 初夏

綠槐高柳咽新蟬
薰風初入絃
碧紗窗下水沉烟
棊聲驚晝眠
微雨過小荷
翻榴花開欲然
玉盆纖手弄清泉
瓊珠碎却一作圓

二 梅詞

暗香浮動月黃昏
堂前一樹春
東風何事入西鄰
兒家常閉門
雪肌冷玉容真
香腮粉未勻
折花欲寄隴頭人
江南日暮春

三 蘇州席上作

一年三度過蘇臺
清樽長是開
佳人相問苦相猜
這回來不來

情未盡老先催
人生真可哈他年
桃李爭春
劉郎雙鬢催

江神一作城子十三首一

公舊註云陶淵明以正月五日遊斜川臨流班坐顧瞻南阜愛會城之獨

秀乃作斜川詩至今使人想見其處元豐壬戌之春余躬耕於東坡築雪堂居之南挹四望亭之後丘西控北山之微泉慨然而歎此亦斜川之遊也

夢中了了醉中醒
只淵明是前生
走遍人間依舊却躬耕
昨夜東

坡春雨足烏鵲喜報新晴
雪堂西畔暗泉鳴
北山傾小溪橫南

望亭丘孤秀聳曾城
都是斜川當日境
吾老矣寄餘齡

二 孤竹閣送述古

翠蛾羞黛怯人看
掩霜絀淚偷彈
且盡一樽收淚唱
陽關謾道帝

城天樣遠天易見
見君難畫堂新締
近孤山曲欄干為誰安
飛絮

落花春色屬明年欲棹小舟尋舊事無處問水連天

三 江景

鳳凰山下雨初晴水風清晚霞明一朶芙蓉開迥尚盈盈何處飛
來雙白鷺如有意慕娉婷忽聞江上弄哀箏苦含情遣誰聽烟
歛雲收依約是湘靈欲待曲終尋問取人不見數峯青

四 獵詞

老夫聊發少年狂左牽黃右擎蒼錦帽貂裘千騎卷平岡爲報傾
城賢太守親射處看孫郎酒酣胸膽尚開張鬢微霜又何妨持
節雲中何日遣馮唐會挽彫弓如滿月西北望射天狼

五 恨別

天涯流落思無窮旣相逢却忽忽攜手佳人和淚折殘紅爲問東
風餘幾許春縱在與誰同隋堤三月水溶溶背歸鴻去吳中回
望彭城清泗與淮通寄我相思千點淚流不到楚江東

六 冬景

相逢不覺又初寒對樽前惜流年風緊離亭冰結淚珠圓雪意留
君君且住從此去少清懽轉頭山下轉頭看路漫漫玉花翻銀
海光寬何處是超然知道故人相念否攜翠袖倚朱欄

七 公舊序云大雪有懷朱康叔使君亦知知使君之念我也作江神子以寄之

黃昏猶是雨纖纖
曉開簾欲平
簷江濶天低無處認
青帘孤坐凍
吟誰伴我指病目
熬衰髯
使君留客醉厭厭
水晶鹽為誰甜手
把梅花東望憶陶
人人似雪雖可愛
有人嫌

八公自序云陳塘人好唱陌上花
妾稽錢塘人也丐新詞為作此錢
緩緩曲余嘗作數絕以紀其事矣

玉人家在鳳凰山水雲間
掩開關門外行人立馬看
弓彎十里春風誰指似
斜日映繡簾班
多情好事與君還
閱新鰥拭餘潛明
月空江香霧著雲鬢
陌上花看盡也聞舊曲
破朱顏

九公之夫人王氏先卒
味此詞蓋悼亡也

十年生死兩茫茫
不思量自難忘
千里孤墳無處話
淒涼縱使相逢
應不識塵滿面
鬢如霜
夜來幽夢忽還鄉
小軒窗正梳粧
相顧無言惟有淚
千行料得年年斷腸處
明月夜短松岡

十

銀濤無際卷蓬瀛
落霞明暮雲平
曾見青鸞紫鳳下層城
二十五絃彈不盡
空感慨惜離情
蒼梧烟水斷歸程
捲霓旌為誰迎
空有千行流淚寄幽貞
舞罷魚龍雲海晚
千古恨入江聲

十一

前瞻馬耳九仙山
碧連天晚雲間
城上高臺真箇是
超然莫使忽
忽雲雨散
今夜裏月嬋娟
小溪鷗鷺靜
聯拳去翩翩
點輕烟人

事淒涼迴首便他年莫忘使君歌笑處垂柳下矮槐前

十二

墨雲拖雨過西樓水東流晚烟收柳外殘陽回照動簾鉤今夜巫
山真箇好花未落酒新篘美人微笑轉星眸月華羞捧金甌歌
扇縈風吹散一春愁試問江南諸伴侶誰似我醉楊州

十三

南來飛燕北歸鴻偶相逢慘愁容綠鬢朱顏重見兩衰翁別後悠
悠君莫問無限事不言中 小槽春酒滴珠紅且從容莫忽忽飲
散落花流水各西東後會不知何處是烟浪遠暮雲重

無愁可解

公昔序云國士范日新作越調解愁洛陽劉九伯壽聞而悅之戲作俚語之詩天下傳詠以謂幾於

達者龍丘子猶笑之此雖免乎愁猶有所解也者夫遊於自然而託於不得已人樂亦樂人愁亦愁彼且惡乎解哉乃反其詞作無愁可解

光景百年看便一世生來不識愁味問愁何處來更開解箇甚底
萬事從來風過耳何用不著心裏你喚做展却眉頭便是達者也
則恐未 此理本不通言何曾道歡遊勝如名利道則渾是錯不
道如何卽是這裏元無我與你甚晚做物情之外若須待醉了方
開解時問無酒怎生醉

蝶戀花十一首 春景

花褪殘紅青杏小燕子飛時綠水人家繞枝上柳綿吹又少天涯
何處無芳草 牆裏鞦韆牆外道牆外行人牆裏佳人笑笑漸不
聞聲漸悄多情却被無情惱

二 佳人

一顆櫻桃樊素口不愛黃金只愛人長久學畫鴉兒猶未就眉尖
已作傷春皺 撲蝶西園隨伴走花落花開漸解相思瘦破鏡重
圓人在否童臺折盡青青柳

三 送春

雨過春容清更麗只有離人幽恨終難洗北固山前三面水碧瓊
梳擁青螺髻 一紙鄉書來萬里問我何年真箇成歸計白首送
春揀一醉東風吹破千行淚

四 暮春

蔌蔌無風花自鞦寂寞園林柳老櫻桃過落日多情還照坐山青
一點橫雲破 路盡河回千轉拖繫纜漁村月暗孤燈火憑仗飛
魂招楚些我思君處君思我

五 密州上元

燈火錢塘三五夜明月如霜照見人如畫帳底吹笙香吐麝此般
風味應無價 寂寞山城人老也擊鼓吹簫乍入農桑社火冷燈

希霜露下昏昏雪意雲垂野

六 密州冬夜文
安國席上作

簾外東風交雨霰簾裡佳人笑語如鶯燕
深惜今年正月暖燈光
酒色搖金盞 搯鼓漁陽
搯未遍舞裙瓊釵汗濕香羅軟
今夜何人吟古怨清詩未就冰生硯

七 過漣水贈
趙晦之

自古漣漪佳絕地
遶郭荷花欲把吳興比
倦客塵埃何處洗
眞君堂下寒泉水
左海門前酤酒市
夜半潮來月下孤舟起
傾盞相逢
揀一醉雙鳧飛去人千里

八 述懷

雲水縈回溪上路
疊疊青山環繞溪東注
月白沙汀翹宿鷺
更無一點塵來處
溪叟相看私自語
底事區區苦要爲官去
樽酒不空田百畝
歸來分得閒中趣

九 離別

春事闌珊芳草歇
客裏風光又過清明節
小院黃昏人憶別
落紅處處聞啼鴉
咫尺江山分楚越
日斷魂銷應是音塵絕
夢破五更心欲折
角聲吹落梅花月

十 送潘
大臨

別酒勸君君一醉清潤潘郎又是何郎壻記取釵頭新利市莫將
分付東隣子 回首長安佳麗地三十年前我是風流帥爲向青
樓尋舊事花枝缺處餘名字

十一 同安生日放魚取
金光明經救魚事

泛泛東風初破五江柳微黃萬萬千千縷佳氣鬱葱來繡戶當年
江上生竒女 一盞壽觴誰與舉三箇明珠滕上王文度放盡窮
鱗看圍圉天公爲下曼陀雨

採桑子 潤州東景樓與
孫巨源相遇

多情多感仍多病多景樓中樽酒相逢樂事回頭一笑空 停杯

且聽琵琶語細撚輕攏醉臉春融斜照江天一抹紅

千秋歲 湖州暫來徐
州重陽作

淺霜侵綠髮少仍新沐冠直縫巾橫幅美人憐我老玉手簪黃菊
秋露重眞珠落袖沾餘馥 座上人如玉花映花奴肉蜂蝶亂飛
相逐明年人縱健此會應難復須細看晚來月上和銀燭

蕙幙遮 詠選
仙圖

暑籠晴風解愠雨後餘清暗襲衣裙潤一局選仙消暑困笑指樽
前誰向青霄近 整金盆輪玉笋鳳駕鸞車誰敢爭先進重五休
言升最緊縱有碧油到了輸堂印

永遇樂二首一寄孫巨源

長憶別時景疎樓下明月如水美酒清歌留連不已月隨人千里
別來三度孤光又滿冷落共誰同醉捲珠簾淒然顧影共伊到明
無寐今朝有客來從淮上能道使君深意憑仗清淮分明到海
中有相思淚而今何在西垣清禁夜永雲華侵被此時看回廊曉
月也應暗記

二 公舊註云夜宿燕子樓夢眇眇因作此詞一云徐州夢覺北堂燕子樓作

明月如霜好風如水清景無限曲港跳魚圓荷瀉露寂寞無人見
紈如三鼓錚然一葉黯黯夢雲驚斷夜茫茫重尋無覓處覺來小

園行遍 天涯倦客山中歸路望斷故園心眼燕子樓空佳人何

在空鎖樓中燕古今如夢何曾夢覺但有舊歡新怨異時對黃樓

夜景為余浩嘆

行香子六首一詠茶

綺席纔終歡意猶濃酒闌時高興無窮共誇君賜初折臣封看分
香餅黃金縷密雲籠 鬪羸一水功敵千鍾覺涼生兩腋清風暫
留紅袖少却紗籠放笙歌散庭館靜畧從容

二 寓意

三入承明四至九卿問書生何辱何榮今張七葉紈綺貂纓無汗

馬事不獻賦不明經 成都小肆寂寞君平鄭子真巖谷躬耕寒
灰炙手人重人輕除竺乾學得無念得無名

三 述懷

清夜無塵月色如銀酒斟時須滿十分浮名浮利虛苦勞神嘆隙
中駒石中火夢中身 雖抱文章開口誰親且陶陶樂盡天真幾
時歸去作箇閑人對一張琴一壺酒一溪雲

四 秋興

涼夜霜風先入梧桐渾無處回避衰容問公何事不語書空但一
回醉一回病一回慵 秋來庭下光陰如箭似無言有意傷懷都
將萬事付與千鍾任酒花白眼花亂燭花紅

五 冬思

攜手江村梅雪飄裙情何限處處銷魂故人不見舊曲重聞向望
湖樓孤山寺湧金門 尋常行處題詩千首繡羅衫與拂紅塵別
來相憶知是何人有湖中月江邊柳隴頭雲

六 與泗守過南山晚歸作

北望平川野水荒灣共尋春飛步屣顏一作和風弄袖香霧縈鬢
正酒酣人語笑白雲間 飛鴻落照相將歸去澹娟娟玉宇清閒
何人無事晏坐空山望長橋上燈火亂使君還茗溪云余居泗上得南山石崖碑有

此詞觀其字畫是東坡所書但後無姓名蓋崇觀間禁元祐文字遂鐫去之耳

菩薩蠻二十首一 歌妓

繡簾高捲傾城出燈前澹灩橫波溢皓齒發清歌春山入翠蛾
悽音休怨亂我已先偷玩梅萼月窻虛纍纍一串珠

二

碧紗微露纖纖玉一曲雲和湘水綠越調變新聲龍吟徹骨清
夜長殘酒醒頓覺霜袍冷不見意中人新啼壓舊痕

三 西湖

秋風湖上蕭蕭雨使君欲去還留住今日謾留君明朝愁殺人

樽前千點淚洒向長河水不用斂雙蛾路人啼更多

四 杭妓
往蘇

玉童西逐浮丘伯洞天冷落秋蕭瑟不用許飛瓊瑤臺空月明
清香疑夜宴借與韋郎看莫便過姑蘇扁舟下五湖

五 述古
席上

娟娟缺月西南落相思撥斷琵琶索枕淚夢魂中覺來眉暈重
畫堂堆燭淚長笛吹新水醉客各西東應思陳孟公

六 感舊

玉笙不受珠唇暖離聲淒咽胸填滿遺恨幾千秋恩留人不留

東坡集卷之三
三
他年京國酒泫淚攀枯柳莫唱短因緣長安遠似天

七 新月

畫簷初掛彎彎月孤光未滿先憂缺還認玉簾鈎天孫梳洗樓
佳人言語好不願求新巧此恨固應知願人無別離

八 七夕

風迴仙閣門開扇更闌月墜星河轉枕上夢魂驚曉簷疎雨零
相逢雖草草長共天難老終不羨人間人間夜似年

九 有寄

城隅靜女何人見先生日夜歌彤管誰識蔡姬賢江南顧彥先
先生那久困湯沐須各郡惟有謝夫人從來見擬倫

十

買田陽羨吾將老從來只爲溪山好來往一虛舟聊隨物外遊
有書仍賴著水調歌歸去筋力不辭詩要須風雨時

十一 回文

落花閑院春衫薄薄衫春院閒花落遲日恨依依恨日遲
夢回鶯舌弄弄舌鶯回夢郵便問人羞羞人問便郵

十二 夏景
回文

火雲凝汗揮珠顆顆珠揮汗凝雲火瓊暖碧紗輕輕紗碧暖瓊

東坡集卷十三
暈腮嫌枕印印枕嫌腮暈閑照晚粧殘殘粧晚照閑

十三 回文

嶠南江淺紅梅小小梅紅淺江南嶠窺我向疎籬籬疎向我窺
老人行卽到到卽行人老離別惜殘枝枝殘惜別離

十四 回文春
閨怨

翠鬢斜慢雲垂耳耳垂雲慢斜鬢翠春晚睡昏昏昏睡晚春
細花梨雪隆隆雪梨花細鬢淺念誰人人誰念淺鬢

十五 回文夏
閨怨

柳庭風靜人眠書晝眠人靜風庭柳香汗薄衫涼涼衫薄汗香
手紅冰腕藕藕腕冰紅手郎笑藕絲長長絲藕笑郎

十六 回文秋
閨怨

井梧雙照新粧冷冷粧新照雙梧井羞對井花愁愁花井對羞
影孤憐夜永永夜憐孤影樓上不宜愁愁宜不上樓

十七 回文冬
閨怨

雪花飛暖融香頰頰香融暖飛花雪欺雪任單衣衣單任雪欺
別時梅子結結子梅時別歸不恨開遲遲開恨不歸

十八

娟娟侵鬢妝痕淺雙顰相媚嚬如剪一瞬百般宜無論笑與啼

酒闌思翠被特故騰騰地生怕促歸輪微波先泥人

十九 詠足

塗香莫惜蓮承步長愁羅襪凌波去只見舞迴風都無行處蹤
偷穿宮樣穩並立雙趺困纖妙說應難須從掌上看

二十

玉環墜耳黃金飾輕衫罩體香羅碧緩步困春醪春融臉上桃
花鈿從委地誰與郎爲意長愛月華清此時憎月明

生查子 訴別

三度別君來此別真遲暮白盡老髭鬚明日淮南去 酒罷月隨
人淚濕花如霧後夜逐君還夢繞湖邊路

翻香令

金爐猶暖麝煤殘惜香更把寶釵翻重聞處餘薰在這一番氣味
勝從前 背人偷蓋小蓬山更將沉水暗同燃且圖得氤氳久爲
情深嫌怕斷頭烟

烏夜啼 寄遠

莫怪歸心太速西湖自有蛾眉若見故人須細說白髮倍當時
小鄭非常強記二南依舊能詩更有鱸魚堪切膾兒輩莫教知

虞美人 八首一 琵琶

東坡集卷十三
定場負老今何在幾度新聲改怨聲坐使舊聲闌俗耳只知繁手
不須彈 斷絃試問誰能曉七歲文姬小試教彈作鞞雷聲應有
開元遺老淚縱橫

二 述懷

歸心正似三春草試著萊衣小橘懷幾日向翁開懷祖已嗔文度
不歸來 禪心已斷人間愛只有平交在笑論瓜葛一枰同看取
靈光新賦有家風

三 本事集云陳述古守杭已及瓜代未交前數日宴僚佐於
有美堂因請貳車蘇子瞻賦詞子瞻卽席而就寄攤破虞
美人

湖山信是東南美一望須千里使君能得幾回來便使樽前醉倒
且徘徊 沙河塘裏燈初上水調誰家唱夜闌風靜欲歸時惟有
一江明月碧琉璃

四 冷齋夜話云東坡與秦少游維揚飲別作此詞世傳賀方
回所作非也山谷亦云大觀中於金陵見其親筆實東坡
詞也

波聲拍枕長淮曉隙月窺人小無情汴水自東流只載一船離恨
向西州 竹溪花浦會同醉酒味多於淚誰教風鑑在塵埃醞造
一場煩惱送人來

五

落花已作風前舞又送黃昏雨曉來庭院半殘紅惟有遊絲千丈
裊晴空 慙慙花下重攜手更盡杯中酒美人不用斂歌眉我亦
多情無奈酒闌時

六

冰肌自是生來瘦那更分飛後日長簾幙望黃昏及至黃昏時候
轉銷魂 君還知道相思苦恁恁拋奴去不辭迢遞過關山只恐
別郎容易見郎難

七

深深庭院清明過桃李初紅破柳絲搭在玉欄干簾外瀟瀟微雨
做輕寒 晚晴臺榭增明媚已拚花前醉更闌人靜月侵廊獨自
行來行去好思量

八

持盃遙勸天邊月願月圓無缺持盃復更勸花枝且願花枝長在
莫離披 持盃月下花前醉休問榮枯事此歡能有幾人知對酒
逢花不飲待何時

何滿子

湖州作

見說岷峨悽愴旋聞江漢澄清但覺秋來歸夢好西南自有長城
東府三人最少西山八國初平 莫負花溪縱賞何妨藥市微行

試問當壚人在否空教是處聞名唱着子淵新曲應須分外含情

哨遍二首

公舊序云陶淵明賦歸去來有其詞而無其聲余治東坡築雪堂於上人俱笑其陋獨鄱陽董

毅夫過而悅之有卜隣之意乃取歸去來詞稍加鑿括使就聲律以遺毅夫使家僮歌之時相從於東坡釋耒而和之扣牛角而為之節不亦樂乎

為米折腰因酒棄家口體交相累歸去來誰不遣君歸覺從前皆

非今是露未晞征夫指予歸路門前笑語喧童稚嗟舊菊都荒新

松暗老吾年今已如此但小窻容膝閉柴扉策杖看孤雲暮鴻飛

雲出無心鳥倦知還本非有意噫歸去來兮我今忘我兼忘世

親戚無浪語琴書中有真味步翠麓崎嶇泛溪窈窕消消暗谷流

春水觀草木欣榮幽人自感吾生行且休矣念寓形宇內復幾時

不自覺皇皇欲何之委吾心去留誰計神仙知在何處富貴非願

但知臨水登山嘯詠自引壺觴自醉此生天命更何疑且乘流遇

坎還止

二春詞

睡起畫堂銀蒜押簾珠幙雲垂地初雨歇洗出碧羅天正溶溶養

花天氣一霎晴風迴芳草榮光浮動卷皺銀塘水方杏曆勻酥花

鬚吐繡園林翠紅排比見乳燕捎蝶過繁枝忽一綫爐香逐遊絲

晝永人閒獨立斜陽晚來情味便乘興攜將佳麗深入芳菲裏

揆胡琴語輕攏慢撚總伶俐看緊約羅裙急趨檀板霓裳人破驚
鴻起顰月臨眉醉霞橫臉歌聲悠揚雲際任滿頭紅雨落花飛墜
漸鴉鵲樓西玉蟾低尚徘徊未盡歡意君看今古悠悠浮幻人間
世這些百歲光陰幾日三萬六千而已醉鄉路穩不妨行人生但
要適情耳

祝英臺近 惜別

掛輕帆飛急漿還過釣臺路酒病無聊欹枕聽鳴櫓斷腸簇簇雲
山重重烟樹回首望孤城何處 問離阻誰念縈損襄王何曾夢
雲雨舊恨前歡心事兩無據要知欲見無由癡心猶自倩人道一
聲傳語

點絳脣七首一 巳巳重九 和蘇堅

我輩情鍾古來誰似龍山宴而今楚甸戲馬餘飛觀 顧謂佳人
不覺秋強半簫聲遠鬢雲撩亂愁入參差鴈

二 庚午重九 再用前韻

不用悲秋今年身健還高宴江村海甸總作空花觀 尚想橫汾
蘭菊紛相半樓船遠白雲飛亂空有年年鴈

三 再和送 錢公永

莫唱陽關風流公子方終宴泰山禹甸縹緲真奇觀 北望平原

落日山銜半孤帆遠我歌君亂一送西飛鴈

四 此後二詞洪甫云親見東坡手迹於潮陽吳子野家

醉漾輕舟信流引到花深處塵緣相誤無計花間住 烟水茫茫

回首斜陽暮山無數亂紅如雨不記來時路

五 離恨

月轉烏啼畫堂宮徵生離恨美人愁悶不管羅衣褪 清淚班班

揮斷柔腸寸嗔人問背燈偷搵拭盡殘粧粉

六

閒倚胡床庾公樓外峰千朵一作暝與誰同坐明月清風我別

乘一來有唱應須和還知麼自從添箇風月平分破

七 草堂詩餘作賀方回詞

紅杏飄香柳含烟翠拖金縷水邊朱戶門掩黃昏雨 燭影搖風

一枕傷春緒歸不去鳳樓何處芳草迷歸路

帶人嬌三首 王都尉席上贈侍人

滿院桃花盡是劉郎未見於中更一枝纖軟仙家日月笑人間春

晚濃睡起驚飛亂紅千片 密意難窺羞容易見平白地為伊腸

斷問君終日怎安排心眼須信道司空自來見慣

二 或云贈朝雲

東坡全集卷十二
三
白髮蒼顏正是維摩境界空方丈散花何礙朱唇筋點更髻鬟生
采這些箇千生萬生只在好事心腸着人情態閑窗下斂雲凝
黛明朝端午待學紉蘭爲佩尋一首好詩要書裙帶

三 戲邦直

別駕來時燈火無數向青瑣隙中偷覷元來便是共綵鸞仙侶方
見了管須低聲說與百子流蘇千枝寶炬人間有洞房烟霧春
來何事故拋人別處坐望斷樓中遠山歸路

訴衷情三首一

述述古
迂元表

錢塘風景古來奇太守例能詩先驅負弩何在心已浙江西
花盡後葉飛時雨淒淒若爲情緒更問新官向舊官啼

二 海棠

海棠珠綴一重重清曉近簾櫳胭脂誰與勻淡偏向臉邊濃
看葉嫩惜花紅意無窮如花似葉歲歲年年共占春風

三 琵琶女

小蓮初上琵琶絃彈破碧雲天分明繡閣幽恨都向曲中傳
膚瑩玉鬢梳蟬綺窗前素娥今夜故故隨人似鬪嬋娟

更漏子

送孫巨源

水涵空山照市西漢二疎鄉里新白髮舊黃金故人恩義深
海

東頭山盡處自古客槎來去槎有信赴秋期使君行不歸

華清引 感舊

平時十月幸蓮湯玉甃瓊梁五家車馬如水珠璣滿路旁
翠華一去掩方床獨留烟樹蒼蒼至今清夜月依舊過繚牆

桃源憶故人 暮春

華胥夢斷人何處聽得鶯啼紅樹幾點薔薇香雨寂寞閑庭戶
暖風不解留花住片片着人無數樓上望春歸去芳草迷歸路

醉落魄四首一 述懷

醉醒醒醉憑君會取這滋味濃斟琥珀香浮蟻一到愁腸別有陽

春意 須將幕席爲天地歌前起舞花前睡從他落魄陶陶裏猶

勝醒醒惹得閑憔悴

二 席上呈
元素

分攜如昨人生到處萍飄泊偶然相聚還離索多病多愁須信從
來錯 樽前一笑休辭却天涯同是傷淪落故山猶負平生約西
望峨眉長羨歸飛鶴

三 憶別

蒼頭華髮故山歸計何時決舊交新貴音書絕惟有佳人猶作殷
勤別 離亭一去歌聲咽瀟瀟細雨涼吹頰淚珠不用羅巾裏彈

在羅衣圖得見時說

四 述懷

輕雲微月二更酒醒船初發孤城回望蒼烟合公子佳人不記歸
時節 巾偏扇墜藤床滑覺來有夢無人說此生飄蕩何時歇家
在西南長作東南別

謁金門三首一 秋夜

秋帷裏長漏伴人無寐低玉枕涼輕繡被一番秋氣味 曉色又
侵窻紙窻外雞聲初起聲斷幾聲還到耳已明聲未已

二 秋興

秋池閣風傍曉庭簾幙霜葉未衰吹未落半驚鴉喜鵲 自笑浮
名情薄似與世人疎畧一片懶心雙懶脚好教閑處着

三 秋感

今夜雨斷送一年殘暑坐聽潮聲來別浦明朝何處去 辜負金
樽綠醕來歲今宵圓否酒醒夢回愁幾許夜闌還獨語

如夢令五首一

元豐七年十一月十八日浴泗洲雍熙塔下
戲作如夢令闕此曲本唐莊宗製各憶仙姿
嫌其名不雅故改爲如夢令蓋莊宗作此詞卒
章云如夢如夢和淚出門相送因取以爲名

水垢何曾相受細看兩俱無有寄語揩背人盡日勞君揮肘輕手
輕手居士本來無垢

二同前

自淨方能洗彼我自汗流呀氣寄語澡浴人且共肉身遊戲但洗但洗俯為人間一切

三有寄

為向東坡傳語人在玉堂深處別後有誰來雪壓小橋無路歸去歸去江上一犁春雨

四春思

居士莫忘小橋流水
手種堂前桃李無限綠陰青子簾外百舌兒驚起五更春睡居士

五題淮山樓

城上層樓疊巘城下清淮古汴舉手揖吳雲人與暮天俱遠魂斷魂斷後夜松江月滿

陽關曲三首一

中秋作本名小秦王入腔卽陽關曲

暮雲收盡溢清寒銀漢無聲轉玉盤此生此夜不長好明月明年何處看

二軍中

受降城下紫髯郎戲馬臺南舊戰場恨君不取契丹首金甲牙旗歸故鄉

三 李公擇

濟南春好雪初晴
纔到龍山馬足輕
使君莫忘雲溪女
還作陽關腸斷聲

減字木蘭花二十四首一

贈潤守許仲途且以鄭容落籍高瑩從良為句首

鄭莊好客容我樽前
先墮幘落筆生風
籍籍聲名不負公
高山白早瑩骨冰膚
那解老從此南徐
良夜清風月滿湖

二 寓意

雲鬢傾倒醉倚闌
干風月好憑仗相扶
誤入仙家碧玉壺
連天

衰草不走湖南西去道一舸姑蘇便逐鴟夷去得無

三 荔枝

閩溪珍獻過海雲
帆來似箭玉座金盤
不貢奇葩四百年
輕紅釀白雅稱佳人
纖手擘骨細肌香
恰似當年十八娘

四 送東武令趙晦之

賢哉令尹三仕已之
無喜愠我獨何人
猶把虛名玷搢紳
不如歸去二頃良田
無覓處歸去來兮
待有良田是幾時

五 送別

玉觴無味中有佳人
千點淚學道忘憂
一念還成不自由
如今未見歸去東園
花似霰一語相開
匹似當初本不來

六 送趙令

春光亭下流水如今何在也歲月如梭白首相看擬奈何 故人
重見世事年來千萬變官况闌珊慚愧青松守歲寒

七 過吳興李公擇生子三日會客作此詞戲之

惟熊佳夢釋氏老君曾抱送壯氣橫秋未滿三朝已食牛 犀錢
玉果利市平分沾四座多謝無功此事如何到得儂

八 得書

曉來風細不會鵲聲來報喜却羨寒梅先覺春風一夜來 香牋

一紙寫盡回紋機上意欲卷重開讀徧千回與萬回

九 送別

天台舊路應恨劉郎來又去別酒頻傾忍聽陽關第四聲 劉郎
未老懷戀仙鄉重得到只恐因循不見如今勸酒人

十 本事集云錢塘西湖有詩僧清順居其上自名藏春塢門前有二古松各有凌霄花結其上順常晝臥其下子瞻為郡一日屏騎從過之松風騷然順指落花覓句子瞻為賦此詞

雙龍對起白甲蒼髯烟雨裏疎影微香下有幽人晝夢長 湖風
清軟雙鵲飛來爭噪晚翠嵐紅輕時下凌霄百尺英

十一 贈小鬟琵琶

琵琶絕藝年記都來十一二撥弄么絃未解將心指下傳 主人

頁七集卷十二
三
嗔小欲向東風先醉倒已屬君家且更從容等待他

十二 立春

春牛春杖無限春風來海上便與春工染得桃紅似肉紅
春幡
春勝一陣春風吹酒醒不似天涯捲起楊花似雪花

十三 雪詞

雪容皓白破曉玉英紛似織風力無端欲學楊花更耐寒
相如
未老梁苑猶能陪俊少莫惹閑愁且折江梅上小樓

十四

玉房金藥宜在玉人纖手裏淡月朦朧更有微微弄袖風
溫香

熟美醉慢雲鬢垂兩耳多謝春工不是花紅是玉紅

十五 春月

春庭月午搖蕩香醪光欲舞步轉回廊半落梅花婉婉香
輕風
薄霧總是少年行樂處不似秋光只與離人照斷腸

十六 贈勝之

天然宅院賽了千千并萬萬說與賢知表德元來是勝之
今來
十四海裏猴兒奴子是要賭休癡六隻骰兒六點兒

十七 琴

神閑意定萬籟收聲天地靜玉指冰絃未動宮商意已傳
悲風

流水寫出寥寥千古意歸去無眠一夜餘音在耳邊

十八

銀箏旋品不用纏頭千尺錦妙思如泉一洗閒愁十五年 爲公
少止起舞屬公公莫起風裏銀山擺撼魚龍我自閒

十九 贈君猷
家姬

柔和性氣雅稱佳名呼懿懿解舞能謳絕妙年中有品流 眉長
眼細淡淡梳粧新綰髻懊惱風情春著花枝百態生

二十

鶯初解語最是一年春好處微雨如酥草色遙看近却無 休辭

醉倒花不看開人易老莫待春回顛倒紅英間綠苔

二十一

江南遊女問我何年歸得去雨細風微雨足如霜挽紵衣 江亭
夜語喜見京華新樣舞蓮步輕飛遷客今朝始是歸

二十二 贈徐君猷三
侍人 嫵卿

嬌多媚態體柳輕盈千萬態帶主尤賓斂黛含頻喜又嗔 徐君
樂飲笑譁從伊情意恁臉嫩膚紅花倚朱欄裏住風

二十三 勝之

雙鬟綠墜嬌眼橫波眉黛翠妙舞躡蹠掌上身輕意態妍 曲窮

力困笑倚人旁香喘噴老大逢歡昏眼猶能仔細看

二十四 慶姬

天真雅麗容態溫柔心性慧響亮歌喉
遇佳行雲翠不收 妙詞
佳曲轉出新聲能斷續重客多情滿勸金卮玉手擎

浣溪沙四十五首一 新秋

風捲珠簾自上鈎蕭蕭亂葉報新秋
獨攜纖手上高樓 缺月向
人舒窈窕三星當戶照綢繆香生霧縠見纖柔

二 遊蘄水清泉寺寺
臨蘭溪溪水西流

山下蘭芽短浸溪松間沙路淨無泥
蕭蕭暮雨子規啼 誰道人
生無再少門前流水尚能西
休將白髮唱黃雞

三 漁父

西塞山邊白鷺飛
故花洲外片帆微
桃花流水鱖魚肥 自鹿一
身青
箬笠相隨到處綠
蓑衣斜風細雨不須歸

四 十一月二日雨後微雪太守徐君猷携酒見過坐
上作浣溪沙三首明日酒醒雪大作又作二首

覆塊青青麥未蘇
江南雲葉暗隨車
臨臯烟景世間無 雨脚半
收簷斷綫雪林初下瓦
疎珠歸來冰顆亂粘鬚

五 前韻

醉夢醺醺曉未蘇
門前轆轤使君車
扶頭一盞怎生無 廢圃寒

身坊集卷十三
三
蔬挑翠羽小槽春酒凍眞珠清香細細嚼梅鬚

六前韻

雪裏餐氈例姓蘇使君載酒爲回車天寒酒色轉頭無薦士已
聞飛鸚表報恩應不用蛇珠醉中還許攬桓鬚

七再和前韻

半夜銀山上積蘇朝來九陌帶隨車濤江烟渚一時無空腹有
詩衣有結濕薪如桂米如珠凍冷誰伴撚鬚

八前韻

萬頃風濤不記蘇雪晴江上麥千車但令人飽我愁無翠袖倚

風縈柳絮絳唇得酒爛櫻珠樽前呵手鑷霜鬚

九九月九日三首

珠檜絲杉冷欲霜山城歌舞助淒涼且餐山色飲湖光共挽朱
轡留半日強揉青蘂作重陽不知明日爲誰黃

十和前韻

霜鬢眞堪插拒霜哀絃危柱作伊涼暫時流轉爲風光未遣清
樽空北海莫因長笛賦山陽金釵玉腕瀉鵝黃

十一有感

傅粉郎君又粉奴莫教施粉與施朱自然冰玉照香酥有客能

為神女賦憑君送與雪兒書夢魂東去覓桑榆

十二 詠橘

菊暗荷枯一夜霜新苞綠葉照林光竹籬茅舍出青黃香霧噴

人驚半破清泉流齒怯初嘗吳姬三日手猶香

十三 公守湖辛未上元日作會於伽藍中時長老法惠在坐
人有獻剪伽花綵甚奇謂有初春興因作浣溪沙二首

寄袁公濟

雪領霜髯不自驚更將剪綵發春榮羞顏未醉已先頰莫唱黃
雞并白髮且呼張友喚殷兄有人歸去欲卿卿

十四 利前韻

料峭東風翠幕驚云何不飲對公榮水精盞瑩玉鱗頰花影莫

三反月朱顏未稱五年兄翰林子墨主人卿

十五 徐門石潭謝雨
道上作五首

煦日深紅暖見魚連溪綠暗晚藏烏黃童白叟聚睢盱麋鹿逢
人雖未慣猿猴聞鼓不須呼歸家說與採桑姑

十六 其二

旋抹紅粧看使君三三五五棘籬門相挨踏破禱羅裙老幼扶
攜收麥社鳥鶯翔舞賽神村道逢醉叟臥黃昏

十七 其三

麻葉層層綠葉光誰家煮繭一村香
隔籬嬌女絡絲娘垂白杖
藜擡醉眼捋青搗麩軟饑腸問君
豆葉幾時黃

十八 其四

軟軟衣巾落棗花村南村北響綠車
牛衣古柳賣黃瓜酒困路
長惟欲睡日高人渴謾思茶敲門
試問野人家

十九 其五

軟草平莎過雨新輕沙走馬路無塵
何時收拾耦耕身日暖桑
麻光似潑風來蒿艾氣如薰使君
元是此中人

二十 春情

道字嬌訛苦未成未應春閣夢多情
朝來何事綠鬟傾 綠索身

輕長起燕紅窻睡重不聞鶯困人
天氣近清明

二十一 菊節

縹緲危樓紫翠間良辰樂事苦難全
幾時懷舊獨凄然 璧月瓊
枝空夜夜菊花人貌自年年不知
來歲與誰看

二十二 春情

桃李溪邊駐畫輪鷓鴣聲裡倒清樽
夕陽雖好近黃昏 香在衣
裳粧在臂水連芳草月連雲幾時
歸去不銷魂

二十三 荷花

四面垂楊十里荷問云何處最花多畫樓南畔夕陽和
天氣乍涼人寂寞光陰須得酒消磨且來花裡聽笙歌

二十四

贈閻丘朝議
時過徐州

一別姑蘇已四年秋風南浦送歸船書簾重見水中仙
霜鬢不須催我老杏花依舊駐君顏夜闌相對夢魂間

二十五

有贈

惟見眉間一點黃詔書催發羽書忙從教嬌淚洗紅粧
上殿雲霄生羽翼論兵齒頰帶風霜歸來衫袖有天香

二十六

憶舊

長記鳴琴子賤堂朱顏綠髮映垂楊如今秋鬢數莖霜
聚散交遊如夢寐升沈閒事莫思量仲卿終不避桐鄉

二十七 春情

風壓輕雲貼水飛乍晴池館燕爭泥沈郎多病不勝衣
沙上不聞鴻鴈信竹間時聽鷓鴣啼此情惟有落花知

二十八

公舊序云紹聖元年十月十三日與程鄉令侯晉叔
歸善簿渾汲遊大寺野飲松下設松黃湯作此闕

羅襪空飛洛浦塵錦袍不見謫仙人攜壺藉草亦天真
玉粉輕黃千歲藥雪花浮動萬家春醉歸江路野梅新

二十九 重九

白雪清詞出坐間
愛君才器兩俱全
異鄉風景却依然
可恨相逢能幾日
不知重會是何年
茱萸子細更重看

三十 元豐七年十月二十四日
從泗洲劉倩叔遊南山

細雨斜風作曉寒
淡烟疎柳媚晴灘
入淮清洛漸漫漫
雪味乳花浮午盞
蓼茸蒿笋試春盤
人間有味是清歡

三十一 送梅庭老赴潞州學官

門外東風雪洒裾
山頭回首望三吳
不應彈鋏爲無魚
上黨從來天下少
先生元是古之儒
時平不用魯連書

三十二 徐州藏春閣

慚愧今年二麥豐
千岐細浪舞晴空
化工餘力染天紅
歸去山翁因倒載
闌街拍手笑兒童
甚時名作錦薰籠

三十三 揚州賞芍藥櫻桃

芍藥櫻桃兩闌新
名園高會送芳辰
洛陽初夏廣陵春
紅玉半開菩薩面
丹砂穠點柳枝唇
樽前還有箇中人

三十四 賜楚守田待制小鬟

學畫鴉兒正妙年
陽城下蔡困嫣然
憑君莫唱短因緣
霧帳吹笙香嫋嫋
霜庭按舞月娟娟
曲終紅袖落雙纏

三十五 和前韻

一夢江湖費五年歸來風物故依然相從一醉是前緣
遷客不應常眠燥使君爲出小嬋娟翠鬟聊著小詩纏

三十六 端午

輕汗微微透碧絁明朝端午浴芳蘭流香漲膩滿晴川
綵線輕纏紅玉臂小符斜掛綠雲鬟佳人相見一千年

三十七 感舊

徐邈能中酒聖賢劉伶席地幕青天潘郎白璧爲誰連
無可柰何新白髮不如歸去舊青山恨無人借買山錢

三十八 自適

傾蓋相逢勝白頭故山空復夢松楸此心安處是菟裘
賣劍買牛真欲老乞漿得酒更何求願爲祠社宴春秋

三十九 寓意和前韻

炙手無人傍屋頭蕭蕭晚雨脫梧楸誰憐季子敝貂裘
顧子已無當世望似君須向古人求歲寒松柏肯驚秋

四十 卽事

畫隼橫江喜再遊老魚跳檻識清謳流年未肯付東流
黃菊籬邊無悵望白雲鄉裏有溫柔挽回霜鬢莫教休

四十一

玉腕冰寒滴露華
粉融香雪透輕紗
晚來粧面勝荷花
鬢髻欲
迎眉際月酒紅初上
臉邊霞一場春夢日西斜

四十二 方響

花滿銀塘水漫流
犀槌玉板奏涼州
順風環珮過秦樓
遠漢碧
雲輕漠漠今宵人在鵲橋頭
一聲敲徹絳河秋

四十三 端午

入袂輕風不破塵
玉簪犀壁醉佳辰
一番紅粉爲誰新
團扇只
堪題往事新絲那解繫行人
酒闌滋味似殘春

四十四

幾共查梨到雪霜
一經題品便生光
木奴何處避雌黃
北客有
來初未識南金無價喜
新嘗合滋嚼句齒牙香

雙荷葉 卽秦樓月

雙溪月清光偏照雙荷葉
雙荷葉紅心未偶綠衣偷結
背風迎
雨淚珠滑輕舟短棹先秋折
先秋折烟鬢未上玉杯微缺

皂羅特髻 采菱拾翠

采菱拾翠筭似此佳名阿誰消得
采菱拾翠稱使君知客千金買
采菱拾翠更羅裙滿把真珠結
采菱拾翠正髻鬟初合
真箇采
菱拾翠但深憐輕拍一雙手
采菱拾翠繡衾下抱着俱香滑
采菱

拾翠待到京尋覓

調笑令

漁父漁父江上微風細雨青蓑黃篋蓑衣紅酒白漁暮歸歸暮歸
暮長笛一聲何處歸鴈歸鴈飲酒江南南岸將飛却下盤旋塞
外春來苦寒寒苦寒苦藻荇欲生且住

荷華媚 荷花

霞荷霓荷碧天然地別是風流標格重重青蓋下千嬌照水好紅
紅白白 每恨望明月清風夜甚低迷不語妖邪無力終須放船
兒去清香深處住看伊顏色

青玉案 和賀方回韻送伯固歸吳中故居

三年枕上吳中路遣黃耳隨君去若到松江呼小渡莫驚鷗鷺四
橋盡是老子經行處 朝圖上看春暮常記高人右丞句作箇歸
期天已許春衫猶是小蠻針線曾濕西湖雨

醉桃源 集句梅花

暗香浮動月黃昏堂前一樹春東風何事入西隣兒家常閉門
雪肌冷玉容真宮妝粉未勻折花欲寄隴頭人江南日暮雲

瑤池燕

侯鯖錄東坡云琴曲有瑤池燕變其詞作閨怨寄陳季常

飛花成陣春心困寸寸別腸多少愁悶無人問偷啼自搵殘粧粉

抱瑤琴尋出新韻玉纖趁南風未解幽愠低雲鬢眉峯斂暈嬌
和恨

一斛珠

洛城春晚垂楊亂掩紅樓半小池輕浪紋如篆燭下花前曾醉離
歌宴自惜風流雲雨散關山有恨情無限待君重見尋芳伴為
說相思目斷西樓燕

浪淘沙 探春

昨日出東城試探春情墻頭紅杏暗如傾檻內羣芳芽未吐早已
同春綺陌斂香塵雪霽前村東君用意不辭辛料想春光先到

及吹綠柳英

占春芳 出春渚 紀聞

紅杏了天桃盡獨自占春芳不比人間蘭麝自然透骨生香
對
酒莫相忘似佳人兼合明光只愛長笛吹花落除是寧王

莫厭此山人兼合用此山莫厭此山
珠杏了天淋盡豈自古春安不出人間
讀讀自然香骨生香

古春安
出春安

東坡集卷之七十三

詩

眉山蘇軾東坡氏著

古今體六十一首

辛丑十一月十九日既與子由別於鄭州西門之外馬上賦

詩一篇寄之

不飲胡為醉兀兀此心已逐歸鞍發
歸人猶自念庭闈今我何以慰寂寞
登高回首坡隴隔惟見烏帽出復沒
苦寒念爾衣裘薄獨騎瘦馬踏殘月
路人行歌居人樂僮僕怪我苦悽惻
亦知人生要有別但恐歲月去飄忽
寒燈相對記疇昔夜雨何時聽蕭瑟
君知

東坡集卷十三
此意不可忘慎勿苦愛高官職

和子由澠池懷舊

人生到處知何似應似飛鴻踏雪泥泥上偶然留指爪鴻飛那復計東西老僧已死成新塔壞壁無由見舊題往日崎嶇還記否路長人困蹇驢嘶

太白山下早行至橫渠鎮書崇壽院壁

馬上續殘夢不知朝日昇亂山橫翠幃落月淡孤燈奔走煩郵吏安閒媿老僧再遊應眷眷聊亦記吾曾

石鼻城

平時戰國今無在陌上征夫自不閒北客初來試新險蜀人從此送殘山獨穿暗月朦朧裏愁渡奔河蒼茫間漸入西南風景變道邊脩竹水潺潺

九月二十日微雪懷子由第二首

岐陽九月天微雪已作蕭條歲暮心短日送寒砧杵急冷官無事屋廬深愁腸別後能消酒白髮秋來已上簪近買貂裘堪出塞忽思乘傳問西琛

其一

江上同舟詩滿篋鄭西分馬涕垂膺未成報國慙書劔豈不懷歸

東坡全集卷十三
一
畏友朋官舍渡秋驚歲晚寺樓見雪與誰登遙知讀易東窓下車
馬敲門定不應

病中聞子由得告不赴簡州二首

病中聞汝免來商旅鴈何時更著行遠別不知官爵好思歸苦覺
歲年長著書多暇真良計從宦無功謾去鄉惟有王城最堪隱萬
人如海一身藏

其二

近從章子聞渠說苦道商人望汝來說客有靈慙直道逋翁久沒
厭凡才夷音僅可通名姓瘦俗無由辨頸顛答策不堪宜落此上
書求免亦何哉

其三

辭官不出意誰知敢向清時怨位卑萬事悠悠付杯酒流年冉冉
入雙鬢策曾忤世人嫌汝易可忘憂家有師此外知心更誰是夢
魂相覓苦參差

守歲

欲知垂盡歲有似赴壑蚍蜉鱗半已沒去意誰能遮況欲繫其尾
雖勤知奈何兒童強不睡相守夜謹譁晨雞且勿唱更鼓畏添槩
坐久燈燼落起看北斗斜明年豈無年心事恐蹉跎努力盡今夕

少年猶可誇

鳳翔八觀 并叙

鳳翔八觀詩記可觀者八也昔司馬子長登會稽探禹穴不遠千里而李太白亦以七澤之觀至荊州二子蓋悲世悼俗自傷不見古人而欲一觀其遺迹故其勤如此鳳翔當秦蜀之交士大夫所朝夕往來此八觀者又皆跬步可至而好事者有不能徧觀焉故作詩以告欲觀而不知者

石鼓

冬十二月歲辛丑我初從政見魯叟舊聞石鼓今見之文字鬱律

蛟蛇悉細觀初以指畫肚欲讀嗟如箝在口韓公好百生已遲我

今況又百年後強尋偏旁推點畫時得一二遺八九我車既攻馬

亦同其魚維鯀貫之柳 其詞云我車既攻我馬既同又云其魚維

句可讀餘皆 不可通 古器縱橫猶識鼎象 何維鯀維鯀何以貫之維楊與柳惟此六 星錯落僅名斗糲糊半已似癡

胝詰曲猶能辨跟肘娟娟缺月隱雲霧濯濯嘉禾秀葦莠漂流百

戰偶然存獨立千載誰與友上追軒頡相唯諾下揖冰澌同穀穀

憶昔周宣歌鴻雁當時留史變蝌蚪厭亂人方思聖賢中興天為

生耆耆東征徐虜闕虓虎北仗大戎隨指喉象骨雜沓貢狼鹿方

邵聯翩賜圭鹵遂因鼓鼙思將帥豈為考擊煩躑躅何人作頌比

崧高萬古斯文齊岫嶺動勞至大不矜伐文武未遠猶忠厚欲尋
年歲無甲乙豈有名字記誰某自從周衰更七國竟使秦人有九
有掃除詩書誦法律投棄俎豆陳鞭杻當年何人佐祖龍上蔡公
子牽黃狗登山刻石頌功烈後者無繼前無偶皆云皇帝巡四國
烹滅強暴救黔首六經既已委灰塵此鼓亦當遭擊剖傳聞九鼎
淪泗上欲使萬天沉水取暴君縱欲窮人力神物義不汗秦垢是
時石鼓何處避無乃天公令鬼守興亡百變物自閒富貴一朝名
不朽細思物理坐歎息人生安得如汝壽

王維吳道子畫

何處訪吳畫普門與開元開元有東塔摩詰留手痕吾觀畫品中
莫如二子尊道子實雄放浩如海波翻當其下手風雨快筆所未
到氣已吞亭亭雙林間彩暈扶桑暎中有至人談寂滅悟者悲涕
逃者手自捫蠻君鬼伯千萬萬相排競進頭如龍摩詰本詩老佩
芷襲芳蓀今觀此壁畫亦若其詩清且敦祇園弟子畫鶴骨心如
死灰不復溫門前兩叢竹雪節貫霜根交柯亂葉動無數一一皆
可尋其源吳生雖妙絕猶以畫工論摩詰得之於象外有如仙翻
謝籠樊吾觀二子皆神俊又於維也歛衽無閒言

維摩像唐楊惠之塑在天柱寺

東坡集卷十三
昔者子輿病且死其友子祀往問之躄躄鑿井自嘆息造物將安
以我爲今觀古塑維摩像病骨磊嶷如枯龜乃知至人外生死此
身變化浮雲隨世人豈不頑且好身雖未病心已疲此叟神完中
有持談笑可却千熊羆當其在時或問法俛首無言心自知至今
遺像兀不語與昔未死無增虧田翁俚婦那肯顧時有野鼠啣其
髭見之使人每自失誰能與結無言師

真興寺閣

山川與城郭漠漠同一形市人與鷓鴣浩浩同一聲此閣幾何高
何人之所營側身送落日引手攀飛星當年王中令斫木南山頽
寫真留閣下鐵面眼有稜身強八九尺與閣兩崢嶸古人雖暴恣
作事今世驚登者尙呀喘作者何以勝曷不觀此閣其人勇且英

李氏園

朝遊北城東回首見脩竹下有朱門家破墻圍古屋舉鞭叩其戶
幽響答空谷入門所見夥十步九移目異花兼四方野鳥喧百族
其西引溪水活活轉墻曲東注入深林林深窓戶綠水光兼竹淨
時有獨立鵠林中百尺松歲久蒼鱗皴豈惟此地少意恐關中獨
小橋過南浦夾道多喬木隱如城百雉擬若舟千斛陰陰日光淡
黯黯秋氣蓄盡東爲方池野雁雜家鶯紅梨驚合抱映島孤雲馥

春光水溶漾雪陣風翻撲其北臨長溪波聲捲平陸北山臥可見
蒼翠間磽秃我時來周覽問此誰所築云昔李將軍負嶮乘衰叔
抽錢算間口但未摧羹粥當時奪民田失業安敢哭誰家美園圃
籍沒不容贖此亭破千家鬱鬱城之麓將軍竟何事蟻蝨生刀韜
何嘗載美酒來此駐車轂空使後世人聞名頸猶縮我今官正閒
屢至因休沐人生營居止竟爲何人卜何當辨一身永與清景逐

秦穆公墓

稟泉在城東墓在城中無百步乃知昔未有此城秦人以泉識公
墓昔公生不誅孟明豈有死之日而忍用其良乃知三子狗公意
亦如齊之二子從田橫古人感一飯尙能殺其身今人不復見此
等乃以所見疑古人古人不可望今人益何傷

是日自磻溪將往陽平憩於麻田青峰寺之下院翠麓亭

不到峰前寺空來渭上村此亭聊可喜脩徑豈辭捫谷映朱欄秀
山含古木尊路窮驚石斷林缺見河奔馬困嘶青草僧留薦晚餐
我來秋日午旱久石牀温安得雲如蓋能令雨瀉盆共看山下稻
涼葉晚翻翻

和子由記園中草木

荒園無數畝草木動成林春陽一已敷妍媿各自矜蒲萄雖滿架

東坡身卷十一
困倒不能任可憐病石榴花如破紅襟葵花雖粲粲蒂淺不勝簪
叢蓼晚可喜輕紅隨秋深物生感時節此理等廢興飄零不自由
盛亦非汝能

其二

蘆筍初似竹稍開葉如蒲方春節抱甲漸老根生鬚不愛當夏綠
愛此及秋枯黃葉倒風雨白花搖江湖江湖不可到移植苦勤劬
安得雙野鴨飛來成畫圖

其三

野菊生秋澗芳心空自知無人驚歲晚唯有暗蛩悲花開澗水上
花落澗水湄菊衰蛩亦蟄與汝歲相期楚客方多感秋風詠江籬
落英不滿掬何以慰朝饑

大秦寺

晃蕩平川盡坡陁翠麓橫忽逢孤塔迥獨向亂山明信足幽尋遠
臨風却立驚原田浩如海袞袞盡東傾

仙遊潭

翠壁下無路何年雷雨穿光搖巖上寺深到影中天我欲然犀看
龍應抱寶眠誰能孤石上危坐試僧禪

其二

東坡集卷七十三
唐初傳有此亂後不畱碑畏虎關門早無村得米遲山泉自入甕
野桂不勝炊信美那能久應學先恐饑

愛玉女洞中水既致兩瓶恐後復取而爲使者見給因破竹
爲契使寺僧藏其一以爲往來之信戲謂之調水符

欺謾久成俗關市有契繻誰知南山下取水亦置符古人辨淄澠
皎若鶴與鳧吾今旣謝此但視符有無常恐汲水人知出符之餘
多防竟無及棄置爲長吁

自仙遊回至黑水見居民姚氏山亭高絕可愛復憇其上
山鷓曉辭谷似報遊人起出門猶屢顧慘若去吾里道途險且近

繼此復能幾溪邊有危構歸駕聊復枕愛此山中人縹渺如仙子
平生慕獨往官爵同一屣胡爲此谿邊眷眷若有竣國恩久未報
念此慙且泚臨風浩悲吒萬世同一軌何年謝簪紱丹砂畱迅晷
南谿有會景亭處衆亭之間無所見甚不稱其名余欲遷之
少西臨斷岸西嚮可以遠望而力未暇特爲製名曰招隱仍
爲詩以告來者庶幾遷之

飛簷臨古道高榜勸遊人未卽令公隱聊須濯路塵茅茨分聚落
煙火傍城闌林缺湖光漏窓明野意新居民誰白貌過客謾朱輪
山好畱歸屐風迴落醉巾他年誰改築舊製不須因再到吾雖老

東坡集卷之三
猶堪作坐賓

竹飈

野人獻竹飈腰腹大如盎自言道旁得採不費置罔鴟夷讓圓滑
混沌慙瘦爽兩牙雖有餘四足僅能步逢人自驚蹶悶若兒脫襁
念茲微陋質刀几安足枉就禽太倉卒羞愧不能饗南山有孤熊
擇獸竹舐掌

漢陂魚 陂在鄂縣

霜筠細破爲雙掩中有長魚如臥劍紫荇穿顛氣慘悽紅鱗照坐
光磨閃攜來雖遠鬣尙動烹不待熟指先染坐客相看爲解顏香

粳飽送如填塹早歲嘗爲荆渚客黃魚屢食沙頭店濱江易採不
復珍盈尺輒棄無乃僭自從西征復何有欲致南烹嗟久欠游鱸
瑣細空自腥亂骨縱橫動遭砭故人遠餽何以報客俎久空驚忽
瞻東道無辭信使頻西隣幸有庖鼈醢

十二月十四日夜微雪明日早往南谿小酌至晚

南谿得雪真無價走馬來看及未消獨自披榛尋履迹最先犯曉
過朱橋誰憐破屋眠無處坐覺村饑語不囂惟有暮鷗知客意鷺
飛千片落寒條

和子由木山引水二首

蜀江久不見滄浪江上枯槎遠可將去國尚能三犢載汲泉何愛
一夫忙崎嶇好事人應笑冷淡爲歡意自長遙想納涼清夜永窓
前微月照汪汪

其二

千年古木臥無梢浪卷沙翻去似瓢幾度過秋生蘚暈至今流潤
應江湖泫然疑有蛟龍吐斷處人言霹靂焦材大古來無適用不
須鬱鬱慕山苗

寄題興州晁太守新開古東池

百畝新池傍郭斜居人行樂路人誇自言官長如靈運能使江山
似永嘉縱飲坐中遺白帽幽尋盡處見桃花不堪山鳥號歸去長
遣王孫苦憶家

華陰寄子由

三年無日不思歸夢裏還家旋覺非臘酒送寒催去國東風吹雪
滿征衣三峰已過天浮翠回扇行看日照扉里堠消磨不禁盡速
攜家餉勞驂駢

和董傳留別

麤繒大布裹生涯腹有詩書氣自華厭伴老儒烹瓠葉強隨舉子
踏槐花囊空不辦尋春馬眼亂行看擇壻車得意猶堪誇世俗詔

黃新濕字如鴉

王頤赴建州錢監求詩及草書

我昔識子自武功寒聽夜語樽酒同酒闌燭盡語不盡倦僕直寐
僵屏風丁寧勸學不死訣自言親受方瞳翁嗟余聞道不早悟醉
夢顛倒隨盲聾爾時憂患苦摧剝意思蕭索如霜蓬羨君顏色愈
少壯外慕漸少由中充河車挽水灌腦黑丹砂伏火人頰紅大梁
相逢又東去但道何日辭樊籠未能便乞岫嶠令官曹似是錫與
銅畱詩河上慰離別草書未暇緣怱怱

秀州僧本瑩靜照堂

鳥囚不忘飛馬繫常念馳靜中不自勝不若聽所之君看厭事人
無事乃更悲貧賤苦形勞富貴嗟神疲作堂名靜照此語子謂誰
江湖隱淪士豈無適時資老死不自惜扁舟自娛嬉從之恐莫見
況肯從我爲

石蒼舒醉墨堂

人生識字憂患始姓名粗記可以休何用草書誇神速開卷慳悅
令人愁我嘗好之每自笑君有此病何年瘳自言其中有至樂適
意無異逍遙遊近者作堂名醉墨如飲美酒銷百憂乃知柳子語
不妄病嗜土炭如珍羞君於此藝亦云至堆墻敗筆如山丘興來

東坡集卷二十三
一揮百紙盡駿馬倏忽踏九州我書意造本無法點畫信手煩推
求胡爲議論獨見假隻字片紙皆藏收不減鍾張君自足下方羅
趙我亦優不須臨池更苦學完取絹素充衾裯

和子由初到陳州見寄一首

道喪雖云久吾猶及老成如今各衰晚那更治刑名懶惰便樗散
疎狂託聖明阿奴須碌碌門戶要全生

其二

舊隱三年別杉松好在不吾今尙眷眷此意恐悠悠閉戶時尋夢
無人可說愁還來送別處雙淚寄南州

次韻子由綠筠堂

愛竹能延客求詩剩挂墻風稍干蠹亂月影萬夫長谷鳥驚棋響
山蜂識酒香只應陶靜節會聽北窓涼

傳堯俞濟源草堂

微官共有田園興老罷方尋隱退廬栽種成陰十年事舍皇求買
萬金無先生卜築臨清濟喬木如今似畫圖鄰里亦知偏愛竹春
來相與護龍雛

和柳子玉過陳絕糧

如我自觀猶可厭非君誰復肯相尋圖書跌宕悲年老燈火青熒

語夜深早歲便懷齊物意微官敢有濟時心南行十里成何事一
聽秋濤萬古音

潁州初別子由二首

征帆挂西風別淚滴清潁畱連知無益惜此須臾景我生三度別
此別尤酸冷念子似先君本訥剛且靜寡詞真吉人介石乃機警
至今天下士去莫如子猛嗟我久病狂意行無坎井有如醉且墜
幸未傷輒醒從今得閒暇默坐消日永作詩解子憂持用日三省

其二

近別不改容遠別涕沾胸咫尺不相見實與千里同人生無離別
誰知恩愛重始我來宛丘牽衣舞兒童便知有此恨畱我過秋風
秋風亦已過別恨終無窮問我何年歸我言歲在東離合既循環
憂喜迭相攻悟此長太息我生如飛蓬多憂髮早白不見六一翁

陪歐陽公燕西湖

謂公方壯鬚似雪謂公已老光浮頰竭來湖上飲美酒醉後劇談
猶激烈湖邊草木新著霜芙蓉晚菊爭煌煌插花起舞爲公壽公
言百歲如風狂赤松共遊也不惡誰能忍饑吐仙藥已將天壽付
天公彼徒辛苦吾差樂城上烏棲暮靄生銀缸晝燭照湖明不辭
歌詩勸公飲坐無桓伊能撫箏

出潁口初見淮山是日至壽州

我行日夜向江海楓葉蘆花秋興長
平淮忽逝天遠近青山久與
船低昂壽州已見白石塔短棹未轉黃茅岡
波平風軟望不到故人久立煙蒼茫

塗山

下有鮓廟山
前有禹會村

川鎖支祁水尙渾地埋汪罔骨應存樵蘇已入黃熊廟
烏鵲猶朝

禹會村

浮山洞

洞在淮上夏潦不能及而
冬不加高故人疑其浮也

人言洞府是鼇宮升降隨波與海通
共坐船中那得見乾坤浮水

水浮空

泗州僧伽塔

我昔南行舟繫汴逆風三日沙吹面
舟人共勸禱靈塔香火未收
旗脚轉回頭頃刻失長橋却到龜山
未早飯至人無心何厚薄我
自懷私欣所便耕田欲雨刈欲晴
去得順風來者怨若使人人禱
輒遂造物應須日干變我今身世兩
悠悠去無所逐來無戀得行
固願畱不惡每到有求神亦倦退之
舊云三百尺澄觀所營今已
換不嫌俗士汗丹梯一看雲山遶淮甸

龜山

東坡集卷十三
我生飄蕩去何求再過龜山歲五周身行萬里牛天下僧臥一菴
初白頭地隔中原勞北望潮連滄海欲東遊元嘉舊事無人記故
壘摧頽今在不

發洪澤中途遇大風復還

風浪忽如此吾行欲安歸掛帆却西邁此計未爲非洪澤三十里
安流去如飛居民見我還勞問亦依依攜酒就船賣此意厚莫違
醒來夜已半岸木聲向微明日淮陰市白魚能許肥我行無南北
適意乃所祈何勞弄澎湃終夜搖窓扉妻孥莫憂色更有篋中衣

遊金山寺

我家江水初發源宦遊直送江入海聞道潮頭一丈高天寒尙有
沙痕在中冷南畔石盤陀古來出沒隨濤波試登絕頂望鄉國江
南江北青山多羈愁畏晚尋歸楫山僧苦留看落日微風萬頃靴
文細斷霞半空魚尾赤是時江月初生魄二更月落天深黑江心
似有炬火明飛燄照山棲鳥驚悵然歸臥心莫識非鬼非人竟何
物江山如此不歸山江神見怪驚我頑我謝江神豈得已有田不
歸如江水

戲子由

宛丘先生長如丘宛丘學舍小如舟常時低頭誦經史忽然欠伸

東坡集卷七十三
屋打頭斜風吹帷雨注面先生不媿傍人羞任從飽死笑方朔肯
爲雨立求秦優眼前勃溪何足道處置六鑿須天遊讀書萬卷不
讀律致君堯舜知無術勸農冠蓋開如雲送老鹽齏甘似蜜門前
萬事不掛眼頭雖長低氣不屈餘杭別駕無功勞畫堂五丈容旂
旄重樓跨空雨聲遠屋多人少風騷騷平生所慙今不恥坐對疲
氓更鞭箠道逢陽虎呼與言心知其非口諾唯居高忘下真何益
氣節消縮今無幾文章小技安足程先生別駕舊齊名如今衰老
俱無用付與時人分重輕

越州張中舍壽樂堂

青山偃蹇如高人常時不肯入官府高人自與山有素不待招邀
滿庭戶卧龍蟠屈半東州萬室鱗鱗枕其股背之不見與無同狐
裘反衣無乃魯張君眼力覷天奧能遣荆棘化堂宇持願宴坐不
出門收攬奇秀得十五才多事少厭閑寂臥看雲煙變風雨笋如
玉筍榭如簪強飲且爲仙作主不憂兒輩知此樂但恐造物怪多
取春濃睡足午窓明想見新茶如潑乳

吉祥寺賞牡丹

人老簪花不自羞花應羞上老人頭醉歸扶路人應笑十里珠簾
半上鉤

和蔡準郎中見邀遊西湖

城市不識江湖幽如與蟪蛄語春秋
試令江湖處城市却似麋鹿遊
汀洲高人無心無不可得坎且止
乘流浮公卿故舊畱不得遇
所得意終年畱君不見拋官彭澤令
琴無絃巾有酒醉欲眠時遣
客休

六月二十七日望湖樓醉書

黑雲翻墨未遮山白雨跳珠亂入船
卷地風來忽吹散望湖樓下水如天

其二

放生魚鼈逐人來無主荷花到處開
水枕能令山俯仰風船解與月裴回

其三

未成小隱聊中隱可得長閒勝暫閒
我本無家更安往故鄉無此好湖山



70025390

